

GENERO INDARKERIA. 2002-2003ko urte judizialaren inaugurazio ekitaldia egin zuten atzo Nafarroan

Epaiketa azkarrek «konponbide ona» liratekeela dio Ruiz de la Cuesta

Egungo neurriak nahikoa ez direla-eta, neurri berriak hartu behar direla esan du

Erredakzioa | IRUÑEA

Rafael Ruiz de la Cuesta Nafarroako Justizia Auzitegi Nagusiko presidenteak genero indarkeria izan zuen hizpide, eta tratatu txar eta erasoei aurre egiteko «konponbide ona» iritzi zion epaiketa azkarrek egiteari. Haren arabera, Nafarroako gizarteak «hunkipena» eragin zuten genero indarkeria kasuek 2001-2002ko urte judizialean —Alizia Aristregi bere senarraren esku hil zen, Atarrabian, iragan apirilean— eta kasu horiek saihesteko neurri berriak hartu beharraz mintzatu zen.

Esan zuenez, badaezpadako espetxealdia ez da konponbide

eraginkorra, behin-behineko neurria delako. Bestelako badaezpadako neurriak —urruntze aginduak eta beste— ere ez dira eraginkorrak Ruiz de la Cuestaren ustez, kontrolatzeko zailak direlako. Hala, hainbat emakume bizi duten «babesgabezia egoerari» aurre egiteko konponbide gisa epaiketa azkarrek egitea proposatu zuen.

Nafarroako urte judizial berriaren hasiera

Nafarroako Auzitegi Nagusiko presidenteak 2002-2003ko urte judizial berriaren inaugurazio ekitaldian egin zituen adierazpen horiek; urtean gertatutakoetatik nabarmendu beharrekoetan



JAGOBA MANTEROLA / ARGAZKI PRESS

Rafael Ruiz de la Cuesta, zutik, urte judizial berriaren inaugurazio ekitaldian.

tan jarri zituen genero indarkeria kasuak.

Hori nabarmentzeaz gain, Ruiz de la Cuestak iragan urteari buruzko datuak eman zituen ezagutzera, eta datorren ikasurteari modu egokian aurre egin ahal izateko hainbat eskaera ere mahai gainean jarri zituen.

Magistratuaren arabera, ezinbestekoa da Justizia Administrazioan langile gehiago kontratatzea, eta baita hainbat epai organu berri abian jartzea ere. Hala, familia epaitegi berri bat, Agoitzerako lehen epaibideko epaitegi bat, Sozialeko epaimahairako hirugarren magistratu bat, epaiketa azkarretarako

epaitegi bat, adingabekoentzako eta espetxe zaintzako epaitegia banatzea eta idazkari gehiago eskatu zituen.

Azkenik Iruñeko Justizia Jauregian leku falta dagoela nabarmendu zuen, eta berri bat egiteko galdegin zuen. Lizarra eta Tafallan ere eraikin berriak behar direla uste du.

GRADUONDOKO TITULUAK

HIZKUNTZA, INFORMAZIOA ETA KOMUNIKAZIOAN

ILCLI



Universidad del País Vasco Euskal Herriko Unibertsitatea

2. promozioa (2002-2004)

(Unibertsitate-espezialista eta Unibertsitate-masterra)

Egunkaria

EHUko ILCLIk eratua EUSKALDUNON EGUNKARIArekin lankidetzan

EGITARAUA

(kreditu teoriko bakoitza 10 eskola-orduri dagokio)

2002-2003 IKASTURTEA:

1. Euskararen erabilera komunikabideetan.
2. Euskal Herriko ekonomiaren egoera gaur egun.
3. Hitzaren estrategiak komunikabide zahar eta berrietan.
4. Komunikazioaren psikologia.
5. Komunikabideak eta iritzi politikoa.
6. Informazio eta komunikazioaren produkzio multimediatikoa.
7. Gure kazetagitza hizkerak.
8. Informazioaren aurkezpen era berriak.
9. Komunikabideen eragina gizarteak.
10. Euskararen bilakaera aro garaikidean.
11. Komunikazioaren etika.

2003-2004 IKASTURTEA:

1. Komunikazioa Internet sarean.
2. Erretorika komunikabideetan.
3. Komunikazioa, informazioa eta esanahia: ageriko eta ezkutuko komunikazioa.

4. Komunikazio kabineteak eta prentsa arduradunen zeregina.

5. Gizarte ikerketarako teknikak.
6. Komunikazioaren estetika.
7. Ikus-entzunezkoaren arautzea eta komunikazio-enpresen egitura: azken urteotako joerak.
8. Komunikazio esparrua.
9. Telebistaren bilakaera Euskal Herrian.
10. Euskal sistema politikoaz.
11. Gizarte psikologia eta iritzi publikoa.

IRAKASLEAK

Josu Amezaga, Edorta Arana, Irene Arraras, Patxi Azpillaga, Xabier Barrutia, Andoni Egaña, Helena Franko, Matxalen Garmendia, Joserra Gartzia, Mikel Haranburu, Joxe Jabier Iñigo, Ander Iturriotz, Koldo Izagirre, Yolanda Jubeto, Kepa Korta, Jesus M. Larrazabal, Xabier Lekuona, Anjel Lertxundi, Solange Mariluz, Jesus M. Mujika, Martxelo Otamendi, Simon Peña, Patxi Petrirena, Maje Saez, Andoni Sagarna, Jose Valencia, Mario Zubiaga, Mikel Zurbano

LAN PRAKTIKAK

EUSKALDUNON EGUNKARIArekin egingo dira praktikak

ORDUTEGIA

2002ko azaroan hasi eta 2002ko ekainean bukatuko dira. Ostiraletan (arratsaldeko 16:00etatik 20:30era) eta larunbatetan (goizeko 09:00etatik 13:30era).

TOKIA

ILCLI institutua.

IZEN EMATEKO EPEA

2002ko irailaren 27 arte.

BESTELAKO DATUAK

Bekak egongo dira Masterra egiten dutenek EUSKALDUNON EGUNKARIAren lan poltsa osatuko dute

INFORMAZIOA ETA IZEN EMATEA

ILCLI. EHU, Villa Asunción
Jose Elozei alkatearen hiribidea 275, 20015 Donostia
Telefonoa (goizeko 09:00etatik 13:00era): 943-017451
Internet: <http://www.sc.ehu.es/ilcli>